

CINNÍ

CINNEADH (AE) 2022/967 ÓN gCOMHAIRLE

an 13 Meitheamh 2022

maidir leis an seasamh atá le glacadh, thar ceann an Aontais Eorpaigh, sa Chomhairle Comhlachais a bunaíodh leis an gComhaontú Comhlachais idir an tAontas Eorpach agus an Comhphobal Eorpach do Fhuinneamh Adamhach agus a mBallstáit, de pháirt, agus Poblacht na Moldóive, den pháirt eile, a mhéid a bhaineann le Clár Oibre Comhlachais AE-Poblacht na Moldóive a ghlacadh

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 217 i gcomhar le hAirteagal 218(9) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Síníodh an Comhaontú Comhlachais idir an tAontas Eorpach agus an Comhphobal Eorpach do Fhuinneamh Adamhach agus a mBallstáit, de pháirt, agus Poblacht na Moldóive, den pháirt eile⁽¹⁾ (“an Comhaontú”), an 27 Meitheamh 2014 agus tháinig sé i bhfeidhm an 1 Iúil 2016.
- (2) De bhun Airteagal 436(1) den Chomhaontú, tugtar de chumhacht don Chomhairle Comhlachais moltaí a ghlacadh, chun cuspóirí an Chomhaontaithe a bhaint amach.
- (3) Chun cur i bhfeidhm an Chomhaontaithe a éascú, chomhaontaigh na Páirtithe clár oibre Comhlachais a bhunú d’fhonn sraith tosaíochtaí a sholáthar le haghaidh a gcuid oibre comhpháirtí ar bhonn earnáil ar earnáil.
- (4) Tá an Chomhairle Comhlachais chun an moladh maidir le Clár Oibre Comhlachais AE-Poblacht na Moldóive 2021-2027 a ghlacadh trí nós imeachta i scríbhinn.
- (5) Is iomchuí an seasamh atá le glacadh thar ceann an Aontais sa Chomhairle Comhlachais a bhunú, ós rud é go mbeidh Clár Oibre Comhlachais AE-Poblacht na Moldóive 2021-2027 ina bhonn leis an gclársceidealú faoin Ionstraim um Chomharsanacht, Forbairt agus Comhar Idirnáisiúnta.
- (6) Dá bhrí sin, ba cheart seasamh an Aontais sa Chomhairle Comhlachais, maidir le Chlár Oibre Comhlachais AE-Poblacht na Moldóive 2021-2027 a ghlacadh, a bheith bunaithe ar an dréachtmholadh ón gComhairle Comhlachas,

TAR ÉIS AN CINNEADH SEO A GHLACADH:

Airteagal 1

Maidir leis an seasamh atá le glacadh, thar ceann an Aontais Eorpaigh, sa Chomhairle Comhlachais a bunaíodh leis an gComhaontú Comhlachais idir an tAontas Eorpach agus an Comhphobal Eorpach do Fhuinneamh Adamhach agus a mBallstáit, de pháirt, agus Poblacht na Moldóive, den pháirt eile, maidir le Clár Oibre Comhlachais AE-Poblacht na Moldóive 2021-2027 a ghlacadh, beidh sé bunaithe ar an dréachtmholadh ón gComhairle Comhlachais atá i gceangal leis an gCinneadh seo.

⁽¹⁾ IO L 260, 30.8.2014, lch. 4.

Airteagal 2

Tiocfaidh an Cinneadh seo i bhfeidhm ar dháta a ghlactha.

Arna dhéanamh i Lucsamburg, 13 Meitheamh 2022.

Thar ceann na Comhairle

An tUachtarán

M. FESNEAU

DRÉACHT**MOLADH Uimh. ../2022 Ó CHOMHAIRLE COMHLACHAIS AE-POBLACHT NA MOLDÓIVE****an ...****maidir leis an gClár Oibre Comhlachais AE-Poblacht na Moldóive**

TÁ COMHAIRLE COMHLACHAIS AE-POBLACHT NA MOLDÓIVE,

Ag féachaint don Chomhaontú Comhlachais idir an tAontas Eorpach agus an Comhphobal Eorpach do Fhuinneamh Adamhach agus a mBallstáit, de pháirt, agus Poblacht na Moldóive, den pháirt eile,

De bharr an mhéid seo a leanas:

- (1) Síníodh an Comhaontú Comhlachais idir an tAontas Eorpach agus an Comhphobal Eorpach do Fhuinneamh Adamhach agus a mBallstáit, de pháirt, agus Poblacht na Moldóive, den pháirt eile ⁽¹⁾ ('an Comhaontú'), an 27 Meitheamh 2014 agus tháinig sé i bhfeidhm an 1 Iúil 2016.
- (2) I gcomhréir le hAirteagal 436(1) den Chomhaontú, tugtar de chumhacht don Chomhairle Comhlachais moltaí a ghlacadh, chun cuspóirí an Chomhaontaithe a bhaint amach.
- (3) De bhun Airteagal 453(1) den Chomhaontú, tá na Páirtithe chun na bearta ginearálta nó sonracha a dhéanamh is gá chun a n-oibleagáidí faoin gComhaontú a chomhlíonadh agus tá siad le háiritiú go mbaintear amach na cuspóirí a leagtar amach sa Chomhaontú.
- (4) Le hAirteagal 11 de Rialacha Nós Imeachta na Comhairle Comhlachais, foráiltear maidir leis an bhféidearthacht cinní a ghlacadh trí nós imeachta i scríbhinn idir na seisiúin má chomhaontaíonn an dá Pháirtí amhlaidh.
- (5) Chomhaontaigh an tAontas agus Poblacht na Moldóive a gcomhpháirtíocht a chomhdhlúthú trí shraith tosaíochtaí a chomhaontú le haghaidh na tréimhse 2021–2027 i dtaca leis an obair chomhpháirteach chun cuspóirí an chomhlachais pholaitiúil agus na lánpháirtíochta eacnamaíche a bhaint amach mar a leagtar amach sa Chomhaontú.
- (6) Chomhaontaigh na Páirtithe sa Chomhaontú ar théacs Chlár Oibre Comhlachais AE-Poblacht na Moldóive le haghaidh 2021–2027, rud a bheidh ina thaca le cur chun feidhme an Chomhaontaithe, agus ina ndíreofar ar chomhar maidir le leasanna coiteanna a saináithníodh go comhpháirteach,

TAR ÉIS AN MOLADH SEO A GHLACADH:

Airteagal 1

Molann an Chomhairle Comhlachais go gcuirfidh na Páirtithe Clár Oibre Comhlachais AE-Poblacht na Moldóive chun feidhme, mar a leagtar amach san Iarscríbhinn (*).

Airteagal 2

Cuirfear Clár Oibre Comhlachais AE-Poblacht na Moldóive, mar a leagtar amach san Iarscríbhinn, in ionad Chlár Oibre Comhlachais AE-Poblacht na Moldóive a glacadh an 19 Lúnasa 2017.

Airteagal 3

Tiocfaidh an Moladh seo i bhfeidhm ar dháta a ghlactha.

(¹) IO AE L 260, 30.8.2014, lch. 4.

(*) Féach doiciméad St 6701/22 ADD 2 ag <https://register.consilium.europa.eu>

Arna dhéanamh i/in/sa ...,

*Thar ceann na Comhairle Comhlachais
An Cathaoirleach*
